

Broj: 105-334/21 DžS  
Zenica, 12.01.2021. godine

Na osnovu člana 69., stav 2., tačka (d), člana 70., stav 1., 4., i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj: 501-332-1/21 DžS od 12.01.2021. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

## ODLUKU

### **o poništenju postupka za nabavku radova asfaltiranja prekopa na Glavnoj gradskoj magistrali (GGM) Zenica**

I  
Poništava se postupak javne nabavke roba za nabavku radova asfaltiranja prekopa na Glavnoj gradskoj magistrali (GGM) Zenica iz razloga što dostavljene ponude nisu prihvatljive za ugovorni organ - član 69., stav 2., tačka (d) Zakona o javnim nabavkama.

II  
Za izvršenje ove Odluke zadužuje se Komisija za nabavke.

III  
Ova Odluka objavit će se na web-stranici <http://www.vikze.ba/>, shodno članu 70., stav (6) Zakona o javnim nabavkama.

### **Obrazloženje**

Postupak javne nabavke pokrenut je Odlukom o pokretanju postupka javne nabavke broj: 105-14672/20 BS od 11.12.2020. godine. Javna nabavka je provedena putem konkurentskog zahtjeva za dostavu ponuda sa zaključivanjem okvirnog sporazuma.

Procijenjena vrijednost javne nabavke bez uračunatog PDV-a je 79.990,00 KM.

Dana 14.12.2020.godine na Portalu javnih nabavki, istovremeno sa objavljivanjem Obavještenja o nabavci broj: 439-7-3-638-3-95/20 objavljena je i tenderska dokumentacija.

Poziv za preuzimanje tenderske dokumentacije broj: 406-14672-2/20 BS od 14.12.2020. godine upućen je sljedećim ponuđačima:

1. Almy transport d.o.o. Zenica
2. KOMGRAD – ZE d.o.o. Zenica
3. ŠPIC BETON d.o.o. Zenica

U prilogu se dostavlja Izvještaj o preuzimanju tenderske dokumentacije od strane ponuđača preuzet sa portala javnih nabavki dana 07.01.2021. godine u 12:51 sati.

Rok za dostavljanje ponuda je bio 28.12.2020. godine do 11:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljene su tri ponude u zatvorenoj koverti, i to:

1. Almy d.o.o. Zenica
2. KOMGRAD – ZE d.o.o. Zenica
3. ŠPIC BETON d.o.o. Zenica

Komisija za nabavku imenovana je Odlukom broj: 105-15359/20 BS od 25.12.2020. godine. U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3 (tri)
- da su blagovremeno zaprimljene 3 (tri) ponude
- da nema neblagovremeno zaprimljenih ponuda.
- ukupno 8 (osam) ponuđača je preuzelo tendersku dokumentaciju sa Portala javnih nabavki.

Komisija za nabavku je dana 12.01.2021. godine direktoru preduzeća dostavila Zapisnik o ocjeni ponuda broj: 501-332/21 DžS od 12.01.2021. godine sa preporukom o poništenju postupka za nabavku radova asfaltiranja prekopa na Glavnoj gradskoj magistrali (GGM) Zenica.

Uvidom u priloženu dokumentaciju konkurentskog zahtjeva broj: 406-14672-1/20 BS od 16.11.2020. godine – Nabavka radova asfaltiranja na GGM-u Zenica, a tokom preliminarnog pregleda i ocjene prispljelih ponuda, Komisija je utvrdila da je u ponudi ponušača KOMGRAD – ZE d.o.o. Zenica cijena za predmetnu nabavku 82.800,00 KM bez PDV-a niža za više od 20 % od prosječne cijene preostalih prihvatljivih ponuda, te je na osnovu navedenog od ponušača KOMGRAD – ZE d.o.o. Zenica dopisom broj: 406-15455-2/20 BS od 31.12.2020. godine zatraženo objašnjenje ponude.

Dana 06.01.2021. godine na protokolu ugovornog organa je pod brojem: 501-184/21 zaprimljeno obrazloženje ponude u kojem je ponuđač naveo da posjeduje vlastitu asfaltnu bazu, kao i svu mehanizaciju za transport i ugradnju asfalta. Nadalje, navdenu je u obrazloženju ponuđač nabavlja velike količine ulaznih sirovina za šta dobija dodatne rabate na kupljene sirovine zbog čega je u mogućnosti ponuditi cijene kao u dostavljenoj ponudi. Navedeno obrazloženje ugovorni organ je prihvatio.

Ponuđač ŠPIC BETON d.o.o. Zenica nije slovima upisao cijenu ponude. Iz gore navedenog razloga ponuda ponuđača ŠPIC BETON d.o.o. Zenica odbacuje u skladu sa članom 68., stav 4., tačka (i) Zakona o javnim nabavkama BiH.

Ponuđačima koji su dostavili formalno – pravno ispravne i tehnički prihvatljive ponude, te im je ugovorni organ, shodno odredbi čl.4. Pravilnika o načinu korištenja e-aukcije, zakazao e-aukciju za dan 11.01.2021. godine, u terminu od 09:00 sati. Oba ponuđača su dostavila traženi dokaz o preferencijalnom tretmanu domaćeg.

Ponude ponuđača, prije početka e-aukcije su:

1. KOMGRAD-ZE d.o.o. Zenica, sa ukupnom cijenom ponude u iznosu od 82.800,00 KM bez PDV-a
2. ALMY d.o.o. Zenica, sa ukupnom cijenom ponude u iznosu od 139.200,00 KM bez PDV-a

E - aukcija je održana u zakazanom terminu.

U e-aukciji ponuđači nisu mijenjali iznose svojih ponuda.

Konačne ponude, nakon završetka postupka e-aukcije su:

1. KOMGRAD-ZE d.o.o. Zenica, sa ukupnom cijenom ponude u iznosu od 82.800,00 KM bez PDV-a
2. ALMY d.o.o. Zenica, sa ukupnom cijenom ponude u iznosu od 139.200,00 KM bez PDV-a

Polazeći od navedenih konstatacija, a uzimajući u obzir član 87. stav (2) Zakona o javnim nabavkama prema kojem ugovorni organ provodi postupak konkurentskog zahtjeva za dostavu ponuda u slučaju da je procijenjena vrijednost za nabavku radova manja od iznosa od 80.000,00 KM, te da su i nakon provedene e-aukcije cijene ponuda iznad procijenjene vrijednosti za predmetnu nabavku, Komisija je ocijenila da nijedna ponuda nije prihvatljiva za ugovorni organ ( član 68., stav (4), tačka (j) ZJN), te dala preporuku da se predmetni postupak poništi u skladu sa članom 69., stav (2), tačka (d) Zakona o javnim nabavkama.

U postupku ocjene provedenog postupka Direktor preduzeća nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku.

Iz navedenih razloga, primjenom člana 69., stav 2., tačka (d) Zakona o javnim nabavkama, odlučeno je kao u dispozitivu.

#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.



DIREKTOR:

*Pašalić Emir*  
Pašalić Emir, dipl.ing.građ.

#### **DOSTAVLJENO:**

- 1 x Direktor preduzeća
- 1 x Pom.dir.za ekon.posl.
- 1 x Pom.dir.za tehn.posl.
- 1 x Pom.dir.za razvoj i invest.
- 1 x Komercijalna služba
- 1 x Tehnička služba
- 3 x Članovima Komisije
- 1 x Sekretar Komisije
- 1 x a/a